
Bosna i Hercegovina
Federacija Bosne i Hercegovine
Tuzlanski kanton
Javna ustanova
Služba za zapošljavanje
Tuzlanskog kantona
Tuzla



Bosnia and Herzegovina
Federation of Bosnia and Herzegovina
Tuzla Canton
Public Institution
Employment Service
of Tuzla Canton
Tuzla

PROGRAM
sufinansiranja zapošljavanja
doktora medicine
2024

Tuzla, oktobar 2024. godine

SADRŽAJ

1. OSNOV ZA DONOŠENJE	2
2. CILJ PROGRAMA.....	2
3. CILJNA GRUPA.....	3
4. KORISNICI.....	3
5. NAČIN SUFINANSIRANJA	4
6. PRIPREMA ZA REALIZACIJU PROGRAMA.....	4
7. JAVNI POZIV	4
8. OBRADA PRISTIGLIH PRIJAVA/ZAHTJEVA.....	4
9. ODOBRAVANJE PRIJAVA/ZAHTJEVA	5
10. ZAKLJUČIVANJE UGOVORA.....	5
11. PRAVDANJE I ISPLATA UGOVORENIH SREDSTAVA.....	5
12. OPĆE NAPOMENE.....	6
13. KONTROLA I PRAĆENJE IZVRŠENJA UGOVORNIH OBAVEZA.....	7
14. INDIKATORI ZA NADGLEDANJE I OCJENU USPJEŠNOSTI EFEKATA	7
a) Ulazni podaci	7
b) Podaci o aktivnostima - Izlazni podaci.....	7
PRIJAVA/ZAHTJEV	8

1. OSNOV ZA DONOŠENJE

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom zapošljavanja u Federaciji BiH 2023-2030 („Službene novine Federacije BiH“, broj: 94/23), Strategijom jačanja funkcije posredovanja u javnim službama za zapošljavanje u Federaciji BiH i ciljevima iz Programa rada Federalnog zavoda za zapošljavanje za 2024. godinu i Trogodišnjeg plana rada Federalnog zavoda za zapošljavanje 2023-2025 i akta Ministarstva zdravstva Tuzlanskog kantona broj: 13/1-33-7547-11/24 od 01.10.2024. godine, sačinjen je Program sufinansiranja zapošljavanja doktora medicine sa područja Tuzlanskog kantona 2024 (u daljnjem tekstu: Program).

Za realizaciju Programa potrebna su sredstva u iznosu od cca 1.900.000,00 KM

Federalni zavod za zapošljavanje (u daljnjem tekstu: Zavod) sufinansira dio Programa sufinansiranja zapošljavanja doktora medicine Tuzlanskog kantona 2024 u iznosu od 288.000,00 KM

JU Služba za zapošljavanje TK (u daljnjem tekstu: Služba) sufinansira dio Programa sufinansiranja zapošljavanja doktora medicine Tuzlanskog kantona 2024 u iznosu od 432.000,00 KM

Ostatak sredstava neophodnih za isplatu neto plaće i troškova doprinosa sufinansirane osobe isplaćivat će poslodavac sa kojim nezaposlena osoba zaključi ugovor o radu.

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. CILJ PROGRAMA

Program se realizira s ciljem ostvarenja općeg cilja zdravstvenog sistema, poboljšanja zdravlja stanovništva i zadovoljstva korisnika zdravstvenih usluga kroz univerzalnu, efikasnu, kontinuiranu, dostupnu, kvalitetnu i isplativu zdravstvenu zaštitu orijentiranu ka porodici i zajednici i baziranu na promociji zdravlja i prevenciji bolesti. Ovaj Program je usmjeren na unapređenje resursa u zdravstvenoj zaštiti. Ključni resursi u sistemu zdravstvene zaštite su kadar, prostor i oprema.

Cilj ovog Programa je obezbijediti mladi stručni kadar u Javnim zdravstvenim ustanovama na području Tuzlanskog kantona (u daljem tekstu: Poslodavci).

Cilj ovog Programa je dati podršku zapošljavanju 40 doktora medicine, sa položenim stručnim ispitom, bez položenog specijalističkog ispita, po Projektu „Sufinansiranja zapošljavanja doktora medicine sa područja Tuzlanskog kantona 2024“, prijavljenih na evidenciji nezaposlenih osoba JU Službe za zapošljavanje Tuzlanskog kantona, najkasnije dan prije objave Javnog poziva, što će im omogućiti sticanje znanja i vještina, a zdravstvenim ustanovama nadomjestiti nedostatak kadra nastao zbog odlaska u penziju i zbog odlaska u inostranstvo radi zapošljavanja.

3. CILJNA GRUPA

Programom se sufinansiraju doktori medicine koji imaju položen stručni ispit, bez položenog specijalističkog ispita, prijavljeni na evidenciju nezaposlenih JU Službe za zapošljavanje TK najkasnije dan prije objave Javnog poziva.

Cilj ovog Programa je da se smanji nezaposlenost doktora medicine, omogući zapošljavanje u periodu od 12 mjeseci, te pruži priliku doktorima medicine za sticanje radnog iskustva koje će im pomoći u daljem radu i zasnivanju radnog odnosa, te da se Javnim zdravstvenim ustanovama omogući da na što lakši i jednostavniji način dođu do kvalifikovanog i stručnog medicinskog kadra visoke stručne spreme.

4. KORISNICI

Korisnici ovog Programa su:

1. Nezaposlene osobe - doktori medicine koji imaju položen stručni ispit, bez položenog specijalističkog ispita, prijavljeni na evidenciju nezaposlenih osoba kod JU Službe za zapošljavanje Tuzlanskog kantona najkasnije dan prije objave Javnog poziva.
2. Javne zdravstvene ustanove na području Tuzlanskog kantona prema rasporedu dostavljenom od strane Ministarstva zdravstva Tuzlanskog kantona i to kako slijedi:

Redni broj	Javna zdravstvena ustanova	Broj doktora medicine
1	Dom zdravlja Tuzla	2
2	Dom zdravlja Živinice	3
3	Dom zdravlja Gradačac	1
4	Dom zdravlja Srebrenik	1
5	Dom zdravlja Banovići	1
6	Dom zdravlja Lukavac	2
7	Dom zdravlja Sapna	2
8	Dom zdravlja Doboj Istok	2
9	Dom zdravlja Kalesija	3
10	Dom zdravlja Čelić	1
11	Dom zdravlja Kladanj	1
12	Dom zdravlja Teočak	1
13	UKC Tuzla	20

U Programu ne mogu učestvovati:

1. Javne zdravstvene ustanove koje su koristile sredstva iz poticajnih mjera Zavoda/Službe, a nisu ispoštovali obaveze u skladu sa zaključenim ugovorima.
2. Javne zdravstvene ustanove koje ne izmiruju redovno obaveze po osnovu poreza i doprinosa ili koji nemaju potpisan sporazum sa Poreznom upravom Federacije BiH o izmirenju duga po osnovu poreza i doprinosa.
3. Javne zdravstvene ustanove koje su evidentirane u Registru novčanih kazni zbog neplaćenih novčanih kazni i troškova postupka, jer sa radnikom nisu zaključili ugovor o radu (rad na crno).
4. Privatne zdravstvene ustanove, laboratorije i sl.

5. NAČIN SUFINANSIRANJA

Programom je određeno sufinansiranje zapošljavanja doktora medicine, koji imaju položen stručni ispit, bez položenog specijalističkog ispita, na period od 12 mjeseci, prijavljenih na evidenciji nezaposlenih osoba JU Službe za zapošljavanje Tuzlanskog kantona, najkasnije dan prije objave Javnog poziva.

Programom je određeno sufinansiranje dijela troškova obaveznih doprinosa i/ili dijela neto plaće u iznosu do 1.500,00 KM mjesečno po osobi.

Od navedenog iznosa Federalni zavod za zapošljavanje će sufinansirati 600,00 KM, a JU Služba za zapošljavanje TK 900,00 KM mjesečno po osobi.

Ostatak sredstava neophodnih za isplatu neto plaće i troškova doprinosa sufinansirane osobe isplaćivat će Javne zdravstvene ustanove (U daljem tekstu: Poslodavci) sa kojim nezaposlena osoba zaključi ugovor o radu.

6. PRIPREMA ZA REALIZACIJU PROGRAMA

U okviru pripreme faze Programa provode se sljedeće aktivnosti:

- Služba priprema Program i dokumentaciju za realizaciju programskih aktivnosti (javni poziv, obrazac Prijave za učešće u Programu i drugu dokumentaciju)
- Služba informiše javnost putem web stranice Službe www.szztk.ba

7. JAVNI POZIV

Služba objavljuje javni poziv za poslodavce – Javne zdravstvene ustanove.

Služba objavljuje javni poziv na web stranici: www.szztk.ba, koji ostaje otvoren 8 (osam) dana od dana objavljivanja.

Potrebna dokumentacija za učešće u Programu, koju podnose poslodavci – Javne zdravstvene ustanove:

- Popunjen, potpisan i ovjeren prijavni obrazac/zahtjev
- Broj glavnog bankovnog računa poslodavca u poslovnoj banci na koji će se sredstva doznačiti (kopija),
- Original ili ovjerena kopija Uvjerenja Porezne uprave Federacije BiH o izmirenim porezima i doprinosima, ne starija od mjesec dana od dana objave Javnog poziva ili Sporazuma s Poreznom upravom Federacije BiH o izmirenju duga po osnovu poreza i doprinosa.

8. OBRADA PRISTIGLIH PRIJAVA/ZAHTJEVA

Direktor Službe imenuje komisiju koja provjerava kvalificiranost poslodavaca za učešće u Programu na osnovu podataka iz prijave, drugih dokaza uz prijavu, vlastitih evidencija (ispunjenost obaveza po ugovorima iz prethodnih godina i drugo.)

Nakon izvršenih provjera komisija sačinjava Listu Javnih zdravstvenih ustanova – poslodavaca koji ispunjavaju uslove Javnog poziva i Listu Javnih zdravstvenih ustanova – poslodavaca koji ne ispunjavaju uslove Javnog poziva.

Lista Javnih zdravstvenih ustanova – poslodavaca koji ispunjavaju uslove Javnog poziva obavezno mora da sadrži broj nezaposlenih osoba - doktora medicine za koje se poslodavcima odobrava sufinansiranje zapošljavanja, u skladu sa tačkom 4. stav (1) tačka 2) ovog Programa.

Navedene liste se dostavljaju direktoru na odobravanje.

9. ODOBRAVANJE PRIJAVA/ZAHTJEVA

Direktor Službe donosi odluke o odobravanju listi poslodavaca – javnih zdravstvenih ustanova predloženih od strane komisije.

Liste poslodavaca – Javnih zdravstvenih ustanova se objavljuju na web stranici Službe www.szztk.ba.

10. ZAKLJUČIVANJE UGOVORA

Nakon što direktor Službe donese odluke o odobravanju listi poslodavaca Služba će putem maila obavijestiti poslodavce sa Liste Javnih zdravstvenih ustanova – poslodavaca koji ispunjavaju uslove Javnog poziva da je zahtjev odobren i da najkasnije u roku od 30 (trideset) dana Službi dostave:

- Kopija/e ugovora o radu za sufinansirane osobe,
- Kopija/e prijave na obavezna osiguranja u Poreznoj upravi Federacije BiH (obrazac JS 3100).

Služba priprema četiri (4) primjerka ugovora o sufinansiranju zapošljavanja i nepotpisane ugovore dostavlja poslodavcu na potpis uz napomenu da iste potpisane i ovjerene vrati Službi.

Nakon što poslodavac potpiše i ovjeri ugovore, Služba potpisuje i ovjerava sve primjerke ugovora, te zadržava dva (2) primjerka, a dva (2) vraća poslodavcu.

11. PRAVDANJE I ISPLATA UGOVORENIH SREDSTAVA

Poslodavac Službi, do kraja mjeseca za prethodni mjesec, dostavlja dokumentaciju za pravdanje sredstava, i to:

- Kopiju Obrasca JS 2001 (ovjeren od Porezne uprave ili sa bar kodom),
- Kopiju platne liste za sufinansirane osobe (potpisanu od strane sufinansirane osobe i poslodavca)
- Kopiju izvoda iz banke iz kojih je vidljiva isplata pojedinačne neto plaće i doprinosa za sufinansiranu osobu ili u slučaju zbirne uplate plaća kopiju izvoda iz banke iz kojeg je vidljiv iznos zbirne uplate plaća uz spisak sufinanciranih osoba sa pregledom isplata pojedinačnih neto plaća ovjeren od poslodavca.

Najdalje do kraja mjeseca za prethodni mjesec Služba Zavodu dostavlja izvještaj (Obrazac ZI), te dokumentaciju kojom dokazuje opravdanost zahtjeva za uplatu/refundaciju sredstava. Na osnovu dostavljenog izvještaja za prethodni mjesec, Federalni zavod za zapošljavanje, putem Službe, poslodavcu refundira mjesečni iznos sredstava.

12. OPĆE NAPOMENE

U pogledu zaključivanja, trajanja i raskida ugovora o radu analogno se primjenjuju sljedeća pravila:

U slučaju da je sufinansirana osoba, privremeno spriječena za rad duže od 42 dana ili koristi porodiljsko odsustvo, poslodavcu se za taj period obustavlja refundiranje do povratka radnika na posao, a radi izbjegavanja eventualne dvostruke naplate sredstava. Po povratku sa bolovanja dužeg od 42 dana Zdravstvena ustanova može produžiti refundaciju osobi do okončanja sufinansiranog perioda a najduže do 12 mjeseci.

U slučaju raskida ugovora o radu sa sufinansiranom osobom, poslodavac može u roku od 15 (petnaest) dana od dana odjave prvozaposlene osobe, za preostali period ugovorne obaveze, zaključiti ugovor o radu sa zamjenskom nezaposlenom osobom iz iste kategorije, koja mora biti na evidenciji nezaposlenih osoba najkasnije dan prije objave Javnog poziva.

Poslodavcu je tokom trajanja ugovora o sufinansiranju zapošljavanja dozvoljeno da zaposli najviše jednu (1) zamjensku osobu po svakoj sufinansiranoj osobi.

Poslodavac je, prilikom narednog pravljanja sredstava, dužan informisati Službu o promjenama i dostaviti sljedeće dokaze:

- kopiju raskida ugovora o radu za prvozaposlenu osobu,
- kopiju ugovora o radu sa zamjenskom osobom,
- kopiju odjave za prvozaposlenu i
- prijave za zamjensku osobu na obavezna osiguranja u Poreznoj upravi Federacije BiH - obrazac JS 3100.

Služba može na portalu Porezne uprave Federacije BiH provjeriti da li je poslodavac odjavio osobu s kojom je raskinut ugovor o radu te da li je prijavio zamjensku osobu na obavezna osiguranja u Poreznoj upravi Federacije BiH.

Ukoliko je provjerom utvrđeno da poslodavac navedeno nije izvršio ili dostavljena dokumentacija ne bude validna, postupit će se po odredbama Programa, kao u slučaju da poslodavac nije zaposlio zamjensku osobu.

U slučaju da poslodavac nije zaključio ugovor o radu sa zamjenskom nezaposlenom osobom obračunat i refundirat će se do tada opravdani iznos sredstava za osobu sa kojom je raskinut ugovor o radu. Za eventualno ostale sufinansirane osobe koje nastavljaju svoj radni odnos kod poslodavca, nastaviti će se postupanje u skladu sa zaključenim ugovorom o sufinansiranju.

Služba vrši kontrolu postupanja poslodavca u skladu sa odredbama potpisanog ugovora, te ukoliko utvrdi da ista ne ispunjava preuzete obaveze obavještava Zavod o istom radi daljeg postupanja.

Za sve eventualne izmjene podataka iz ugovora o sufinansiranju, radit će se aneks ugovora o sufinansiranju zapošljavanja.

13. KONTROLA I PRAĆENJE IZVRŠENJA UGOVORNIH OBAVEZA

Na osnovu ugovora o sufinansiranju zapošljavanja, Služba će provoditi kontrolu realizacije ugovorenih obaveza, putem dostavljene dokumentacije za pravdanje, a po potrebi i kontrolom provođenja ugovorenih obaveza kod poslodavca.

U slučaju nepoštivanja ugovornih obaveza, Služba će u roku od 60 dana od isteka sufinansiranog perioda, pokrenuti postupak raskida ugovora.

14. INDIKATORI ZA NADGLEDANJE I OCJENU USPJEŠNOSTI EFEKATA

a) Ulazni podaci

- Osnovni pokazatelji kretanja na tržištu rada;
- Opis Programa (cilj Programa, ciljna grupa, korisnici, visina subvencije, period trajanja subvencije, elementi Javnog poziva);
- Broj doktora medicine prijavljenih na evidenciju na dan 30.09.2024. godine;
- Spolna i dobna struktura ciljne grupe;
- Iznos ukupno planiranih sredstava po Programu.

b) Podaci o aktivnostima - Izlazni podaci

- Aktivnosti u vezi Javnog poziva (objava, provjera, odobravanje zahtjeva, zaključivanje ugovora i dr.);
- Broj zaključenih ugovora sa poslodavcima i broj osoba iz ciljne grupe koje su zasnovale radni odnos;
- Broj osoba iz ciljne grupe koje su zasnovale radni odnos u periodu od dvanaest (12) mjeseci nakon isteka ugovorenog perioda sufinansiranja, kod istog poslodavca;
- Spolna i dobna struktura osoba koje su zaključile ugovor o radu;
- Planirana/ugovorena/utrošena sredstava po Programu;
- Nivo izvršenja postavljenog cilja.

Kao izvor podataka o realizaciji Programa koristit će se;

- podaci iz portala Porezne uprave Federacije BiH;
- anketa korisnika poticaja (sufinansirane osobe i poslodavci);
- ostala pomoćna sredstva i izvori podataka.

Broj: 01/1-04-1-1239-27-4/24

Datum: 07.10.2024. godine



PREDSJEDNIK UPRAVNOG ODBORA

ZIJAD BABAJIĆ, dipl. pravnik

Zijad Babajić

PRIJAVA/ZAHTJEV ZA POSLODAVCE – JAVNE ZDRAVSTVENE USTANOVE

PODACI O POSLODAVCU	
Naziv poslovnog subjekta	
Općina	
Adresa	
Telefon	
E-mail	
Ovlašteno lice	
Kontakt osoba	
Djelatnost	
JIB poslovnog subjekta	
Naziv banke u kojoj se vodi glavni račun	
Broj glavnog bankovnog računa	
Vrsta poslodavca (privatni/javni)	
Broj trenutno zaposlenih	
Broj traženih osoba	

Mjesto: _____

Datum: _____

Potpis ovlaštenog lica

Pečat poslovnog subjekta

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
JU SLUŽBA ZA ZAPOŠLJAVANJE TK
TUZLA**

Broj: 01/1-04-1-1239-27-4-1/24

Tuzla, 07.10.2024. godine

Na osnovu člana 12. Zakona o osnivanju JU Službe za zapošljavanje TK, Tuzla („Službene novine TK“, broj: 11/01 i 08/14), člana 13. Statuta JU Službe za zapošljavanje Tuzlanskog kantona Tuzla broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine i Mišljenja ministarstva za rad, socijalnu politiku i povratak TK, broj: 09/1-04-027169/24 od 04.10.2024. godine i Mišljenja Ministarstva zdravstva TK broj: 13/1-33-7547-12/24 od 02.10.2024. godine, Upravni odbor JU Službe za zapošljavanje TK, Tuzla, na 27. sjednici, održanoj dana 07.10.2024. godine, d o n o s i

ODLUKU

o usvajanju Programa sufinansiranja zapošljavanja doktora medicine 2024

Član 1.

Usvaja se Program sufinansiranja zapošljavanja doktora medicine 2024, broj: 01/1-04-1-1239-27-4/24 od 07.10.2024. godine.

Član 2.

Program sufinansiranja zapošljavanja doktora medicine 2024, broj: 01/1-04-1-1239-27-4/24 od 07.10.2024. godine, je sastavni dio ove Odluke.

Član 3.

Odluka stupa na snagu danom donošenja.

Dostaviti:

- Direktor
- Ministarstvo za rad, socijalnu politiku i povrataka TK
- Ministarstvo zdravstva TK
- Odjeljenje za podsticaje u zapošljavanju
- Sektor za finansije i računovodstvo
- Jedinica za internu reviziju
- Evidencija;
- Arhiva Upravnog odbora;



**PREDSJEDNIK UPRAVNOG
ODBORA**

Zijad Babajić
Zijad Babajić, dipl. pravnik